

სიან კვი

ავს თუ ავი არ ვუწოდო,
კარგს სახელად რა დავარქო?

საბირისა და იუმორის
ჟურნალი

136
1995



თემა ლ. ჩანტლაძისა, ნახ. ა. ლოლუასი

ხმები „ნიანგის“ გარდაცვალების თაობაზე არცთუ მაინცდამაინც გაზვიადებული გახლდათ. სასიცოცხლო არტერიების გადაკეტვის გამო იგი კლინიკური სიკვდილის მდგომარეობაში აღმოჩნდა. ამჟამად მიმდინარეობს მისი რეანიმაციის პროცესი. სიცოცხლისა და შემოქმედებითი ენერჯის პირველი ნიშანწყალი უკვე გამოჩნდა.

ხელ-ფეხს კი არა, ტვინსაც არ მივცემო... მოხვეწებას, ოღონდ საშველი გამოჩნდებოდეს. თქვენი იმედი შექვს, ძველო და ახალო მეგობრებო!

არ მომკვდარა, ხალხო, მხოლოდ სძინავს!

თქვენი „ნიანგი“

პარლამენტის საათი

საიპირი: — ყველას ვაფრთხილებ, ვინც აქ არის და ვინც აქ არ არის, თერთმეტ საათზე ჩავატარებ რეგისტრაციას და ამოვიკითხავ სიას... არა, კაცო... კაი, რა!.. გამცდენების მშობლებს დავიბარებ... ჰე-ჰე!.. ვინა?.. კი, კაცო, ჩაწერილი მყავს... ბატონო დეპუტატებო! მოვიქცეთ ისე, როგორც დეპუტატებს და ჩვენს პარლამენტს ეკადრება, ნუ ვისულივებით. ვინც უწესოდ იქცევა, ის არის უწესო!.. ჩავატაროთ ერთი გემრიელი სხდომა დღის წესრიგის მიხედვით, მოვებნოთ კონსენსუსი და ჩავეხუტოთ ერთმანეთს... მერე ყველა ჩვენ მოგვბაძავს... მეოთხე!..

საქალაქმთავრო

ქალბატონი: — მითომ რატო უნდა ჩაგებულა?..

საიპირი: — მე თქვენ არც მიგულიხებებიხართ, ქალბატონო... რაზე გნებავთ? დღის წესრიგზე?.. მეზუთე მიკროფონი.

მელოტი პარ-

ლამენტარი: — უფრო სწორი იქნებო-



საიპირი: — გმადლობთ... მესამე...

„ბაბონიანი“

პარლამენტარი: — მე ერთი ანეკდოტით მინდა დავიწყო, თქვენ იცით, რომ მე მიყვარს... ჰო, ლომი დაიჭირეს და გალიაში ჩასვეს. მიაღვა კურდღელი და ეუბნება: ლომო, თავი არ მომჭრა, შენს თვალზე ცრემლი არ დამანახო. ლომი ატირდა... ჰე... ესე, რა!.. ლომები დაჭერილები არიან და კურდღლები ვაჟკაცობენ. იცით რაშია საქმე, ეგეთი კურდღლები ყოველთვის იყვნენ, მაგრამ ლომის გალიასთან მისვლას... ის მინ-

დოდა მეტქვა, რომა ვერავინ ვერავის ვერ მოატყუებს. რად გინდათ ეგეთი რამე, ხალხო, თქვით რა გულახდილად, თქვენთვისვე ჯობია. არ გინდათ მიკიბულ-მოკიბული... იარაღი გინდათ? დავდებთ იარაღს! ოღონდ, მერე ნულა მოგვადგებით... როცა გაგიჭირდებათ, რა!.. ავტომატის დანახვაზე მე და ჩემს ბიჭებს გული გვერევა... დავდებთ! ვსიო!.. მაფიაო, გაიძახით... ადრე არ იყო... შე კაი კაცო, ადრე რომელი მაფია ვაიზარებდა, კომპარტია თვითონ იყო მაფია... მას! იბრეა!..



საიპირი: — გმადლობთ!.. მოემზადეთ რეგისტრაციისათვის... ვინც დარბაზშია და ვინც დარბაზში არ არის... ჩართეთ... მიმდინარეობს რეგისტრაცია... რეგისტრაცია მიმდინარეობს... გთხოვთ ყურადღებას, ბატონო დეპუტატებო!.. მიმდინარეობს რეგისტრაცია... რეგისტრაცია მიმდინარეობს!.. რაშია საქმე? მეუშიდე...

ჭალარათმყინი

პარლამენტარი: — საქმე იმაშია, რო რეგისტრაცია ვერ გავიარე...

საიპირი: — რატომ ვერ გავიარე?!

პარლამენტარი: — ვერ მოვასწარი, გამოძრწა...

საიპირი: — გამაგიჟებს ეს ხალხი, დედას გეფიცები... სხდომას დახურულად ვაცხადებ!.. ქეორუმი მაინც არ არის!.. კარგად ბრძანდებოდეთ!

დარბაზში ყავანი, ყვირილი და ლანძღვა-გინება ისმის.



და გეტქვა არა დღის წესრიგი, არამედ დღის უწესრიგობა, რომელიც ყოველთვის იქნება პარლამენტში, ვიდრე რუსის ჯარი არ გავა ჩვენი ტერიტორიიდან. ვერ გავიგეთ ერთი რამე: მთავარია სამშობლო, ქვეყანა და არა დღის წესრიგი. ეს ყველამ უნდა შევიგნოთ. მე, მაგალითად, როცა მეკითხებიან ვინა ვარ, სახელსა და გვარს არ ვეუბნები... „ოუბნე“, რომ საქართველოდან ვარ! დროა, შევასწოთ ეს ამბავი! გმადლობთ ყურადღებისათვის.

20532



— აღმასხან! ასე თუ წავიდა საქმე, ჩემი ეზოდან შენს ეზოში
გადმოსვლაზე ვიხსა ღამჭირდება.

ნახ. **ჯ. ლოლაძე**
თემა **შ. სინარულიძისა**

საბაზრო ეკონომიკა

რომ ვთქვა, ეკონომიკის
მესმის ინჰიბინი, —
არ ვიქნები მართალი,
არ მაქვს ამის ნიქი!
მე არ მესმის ბაზრობა
უსაქონლო ბაზრის,
როცა გადაწყვიდელი
თავზე ურცხვად გვაზის!

რომ მეგოსა ქართველი
არამ ლუქმას არ ჭამს, —
ამ დროს უმეტესობა
მოგვევლინა ვაჭრად!
არ ვარ წინააღმდეგი
რამე ახალ აზრის,
მაგრამ ეს ქორ-ვაჭარი
თავზე რატომ გვაზის?!
ქალაქს არ ჰგავს ქალაქი,
აგვერია თავგზა,
გადაიქცა თბილისი

ჭინურების ბაზრად!..
ქუჩა დახლით აივსო,
ველარ დადის ხალხი,
ტროტუარის სიგრივეც
გაჭიმულა დახლი!..
ბაზრის ეკონომიკა
თუ ეს არის მხოლოდ,
ღმერთმა, ნუ ქნას, გაბაზრდეს
ამ ბაზრობის ბოლო!..

გურამ კლდიაშვილი

როგორ „დაუფუტვინა“ კრემლის ერთმა დარაჯმა

ეს მოხდა ბოლშევიკების მე-18 პარტიკონფერენციის ბოლო დღეს. როგორც ყოველთვის, მზადდებოდა გრანდიოზული კონცერტი, რომლის პროგრამაში ჩართეს სცენა სპექტაკლიდან „კრემლის კურანტები“. მსახიობებს, დიკისა და სკორობოგატოვს უნდა განესახიერებინათ ლენინისა და სტალინის საუბარი. ყველასათვის მოულოდნელად აღმოჩნდა, რომ კრემლის შენობაში არ იყო თავისუფალი ოთახი საგრძობად გამოსაყენებლად. მსახიობები ჩასხდნენ მანქანაში, გავარდნენ თეატრში, გაიკეთეს გრიმი და უკვე როლში შესულები მოადგნენ კრემლს. დაცვამ მანქანა გააჩერა. სტალინის როლის შემსრულებელმა დიკიმ, რომელსაც საშვის და საბუთის მოძებნა დაეზარა, იმპროვიზებული ექსპერიმენტი მოაწყო — ოდნავ გადმოჰყო თავი მანქანის ფანჯრიდან და ქართული აქცენტით მიმართა ყველაზე ახლო მყოფ მცველს:



— ტავარიშჩ, ნადეუს, ვი ნას პრაპუსტიტე?..

მცველმა, რომლის ჩინი და ვინაობა ისტორიამ არ შემოგვინახა, ჯერ პირი დაალო, მერე ფიცარივით გახევდა და ძლივს ამოღერდა:

— ტკ ტჩნო, ტშჩ სტალინ!

კმაყოფილმა დიკიმ თავი დაუქნია, სავარძელზე გასწორდა და ასანთი გაჰკრა ჩიბუხის გასაჩაღებლად. მცველმა მექანიკურად, დაუფიქრებლად ანიშნა დანარჩენებს, რომ მანქანა გაეტარებინათ, მაგრამ იმავე წამს გააცნობიერა, რომ ჰკარგავდა ბედნიერ შანსს, ერთხელ მაინც ასე ახლოს თვალდათვალ ენახა ყველა დროის უდიდესი გენიოსი. ამ შესაძლებლობით აღფრთოვანებული და გაოგნებული მცველი დაიხარა და უკვე დაძრული მანქანის ფანჯრებში შეიხედა. მას სტალინის კიდეც ერთხელ ახლოდან ნახვა უნდოდა, მაგრამ რაც მანქანაში დაინახა, იმან ხომ კიდეც მეტი თავზარი დასცა — უკანა სავარძელზე, არც მეტი, არც ნაკლები, ვლადიმერ ილიჩ ლენინი იჯდა და ალერსიანად მიკვუტული თვალებით უმხერდა.

— გმადლობთ, გეთაყვა! — უთხრა მსოფლიო პროლეტარიატის ბელადმა.

ეს უკვე მეტისმეტი იყო. მცველს მუსულები მოეკეფეთ და ჩაიკეცა.

ასე ჩაკეცილი გააქანეს ფსიქიატრიულში.

როგორ კოცნიდა ლენინი სტალინს და პირიქით

ვინც ორმოცდათექვსმეტის მარტის მღელვარე დღეებს შესწრებია თბილისში და მით უმეტეს, თუ იმ ამბების მონაწილეც იყო, არასოდეს დაავიწყდება მღორე საბჭოთა სინამდვილისათვის უჩვეულო მძაფრი ეპიზოდები. როგორც ჩვეულებრივ ხდება, სიმძაფრეს და მასების აღტყინებას არაერთი კურიოზიც ახლდა თან. მასა გულუბრყვილოდ ფიქრობდა, რომ სტალინის ავტორიტეტს გადაარჩენდა ლენინის გვერდით მისი მოხსენიებითა და დაყენებით.

ამ განწყობილების გავლენამ ჩამოიყვანა თბილისში ორი გორელი მსახიობი, რომლებიც მშობლიური ქალაქის თეატრის სცენაზე ლენინისა და სტალინის როლს ანსახიერებდნენ. ცხადია, თბილისის ქუჩებსა და მოედნებზე შესაბამისი გრიმითა და ჩაცმულობით მოგზაურობდნენ სატვირთო მანქანაზე ამხედრებულნი. ხმაურსა და ზალხმრავლობაში პიესისეული ტექსტის თამაშს აზრი არ ჰქონდა, არა-და, უკვე აღარ იცოდნენ რა გაეკეთებინათ, რა მოემოქმედათ.

ვიღაცამ იყვირა: „აკოცეთ ერთმანეთს!“

ოვაციებისა და ტაშის გრიალის თანხლებით იყო გაუთავებელი ხვევნა-კოცნა — ჯერ ლენინი გაუწვიდა ხელს და სიტყვებით: „გამარჯობა, მეზნებარე კოლხიდელო!“, გადაკოცნიდა, მერე სტალინი ჩაეხვეოდა ფრაზით: „გამარჯობა, მთის არწივი!“


არ უშველა ლენინის ხვევნა-კოცნამ, სტალინი კულტად გამოაცხადეს და მალე მაგზოლუემიდანაც მიაბრძანეს.

ისტორიკოსი



ნ.ს. თ. შაფვარავილისა

კამერული მუსიკის მოყვარულთათვის: რეჟივში „ოთხმოცდათექვსმეტი პრიმ“.



როცა ჩემს მახსოვრობაში ტალონები განხდა პირველად. ამოვიხრეთ და ხელი ჩავეჩინეთ: წახდა, ძმაო, ჩვენი საქმე, ნახე, სატალონოდ გაგვიხდაო.

მერე და მერე ტალონები გაქრა და ხელ ის პროდუქტებიც მიძვია, რომელსაც ტალონებით ვღებულობდით. ახლა ის დრო დაგვიდგა, როცა ტალონები სანატრელი გაგვიხდა.

ყოფილ სამეურნეო მუშაკს, თავის დროზე ლეგალური ხელფასით ცოლ-შვილის შემნახავ შალიკო მესუზლას ამას წინათ უცნაური რამ ესიზმრა: ვითომც სამსახურში ყველანაირი პროდუქტის ტალონები დაურიგეს და მათ შორის ორი დიანაც გასაკვირი: ერთი — მსურველთა მოზღვავეების გამო ოჯახზე თითო ტალონი უცხოეთში საცხოვრებლად წამსვლელთათვის და მეორე — ცოლქმრული „იმის“ შესასრულებელი, ყოველთვიური, განსაზღვრული რაოდენობით დაფიქსირებული, მოიჩქაროდა გასარებული შალიკო სახლისაკენ და გზადაგზა ტალონებს ათვალიერებდა, ეფერებოდა. უცებ... შალიკოს კინაღამ თვალთ დაუხუნელდა — აღარსად იყო ცოლქმრული „იმის“ შესასრულებელი ტალონები, მაინცდამაინც ის დაჰკარგოდა გზაში. რა ვქნა ახლა, ჩემს ქეთოს როგორ მივადგეო, ფიქრობდა გულგახეთქილი. მაინც გარისკა და შეაპარაჲ

— ქეთინო, ქალბატონო ქეთევან, ჩემო ქეთო, იმ საკითხზე გაწუხებთ...

— კი, ბატონო, წარმოადგინეთ ივლისის ტალონი და დიდი სიამოვნებით, არაფერს დაგაკლებთ.

— წარმოგიდგენდი, მაგრამ ტალონი დაკარგე... იქნებ აგვისტოსთვის ანგარიშში მომიხერხო, ან — კომერციულ ფასებში. — აბლუკუნდა შალიკო.

ქეთომ ქვა ააგდო და თავი შეუშვირა: მთავრობამ მაგ ტალონი ტყვილა კი არ გამოიგონა, საბაზრო ეკონომიკაზე გადასასვლელი ეტაპიაო. უტალონოდ „მაგ საქმეზე“

არც იფიქროო.

შალიკოს უცებ კარგა ხნის პენსიონერი ძმაცაცი, სერგო, გაახსენდა და ნომერი აკრიფა:

— სერგო, ე ბიჭო, მიშველე: ცოლქმრული „იმის“ ტალონები დაკარგე და მეცი პატივი — შენ სომ დიდი ხანია მაგენს აღარ იყენებ!

— კი, ბატონო, დაგითმობ, — შეწუხდა სერგო, — მარა რად გინდა, ჩვენ, პერსონალურებს, ვარდისფერი ტალონები გვაქვს, მაგ ტალონზე შუბლზე კოცნის მეტი არაფერი გერგება!

დაახეთქა ყურმილი შალიკომ, დაიხურა შლაპა და გამოვარდა ქუჩაში. მიდიოდა გულდაძმარებული და შურდა ქუჩის ძაღლების, რომლებსაც არც ვარდისფერი ტალონი ჭირდებოდათ და არც სალათისფერი.

— ვა, შალვა, რავა ხარ, შე ძველო! — გამოაფხიზლა მოულოდნელმა შეძახილმა, — რა ცხვირი ჩამოვიშვია?

შალიკოს წინ ტოშია იდგა, ყოფილი პარტკომი. როცა მისი გასაჭირი შეიტყო, აჭიხვინდა:

— პირველი რომ გავარდი პარტიიდან, ახია შენზე! ა, ნახე, რა ტალონები დაგვირიგეს პარტიის წევრებს მაგ საქმისთვის — სადაც გინდა, როცა გინდა, ვისთანაც გინდა!..

— რა პარტიაა ასეთი?

— სკკპ.

— სკკპ?! — განცვიფრდა შალიკო.

— კი, საქართველოს კაპიტალური კონსოლიდაციის პარტია. შემოდი სკკპ-ში და აგავსებ მაგ ტალონებით.

— არ მინდა სკკპ! — აყვირდა შალიკო და გულგახეთქილს გამოეღვიძა...

— შალიკო, რა მოგივიდა?! — გამოეღვიძა ცოლსაც.

— არაფერი, ტალონები დაკარგე...

— რა ტალონები, კაცო?!

— ვხუმრობ... თუ შეიძლება, შენთან გადმოვწვები, — უთხრა შალვამ ქეთოს და თანხმობისმიუღებლად შეუდგა ცოლქმრული „იმის“ უტალონოდ შესრულებას.

კინკილა

„დიდი კაცი“ რომ გავხდი...

ამბობდნენ და არ მჯეროდა, — რა სცოდნია ხვარამელს, — აღარა ვცნობ ჩემს ძმაცაცებს — აღარც ახალს,

აღარც ძველს!

დღეს იმათთვის სად მცალია, საქმეში ვარ ჩაფლული, დამავიწყდა დედა, და-ძმა, ბიძაშვილი, ნათლული!..

ფუტკარივით გარს მესხვევა მლიქვნელების არშია, მინდა ყველა ქედს მიხრიდეს (კაცის გული ხარბია!).

ხელისგულზე მატარებენ, სულსაც კი მიბერავენ, „უიიო“ და „უბატონოდ“ ხმას ვერა მცემს ვერავინ!

აი, როგორ მომმართავენ: „გუთხოვთ, ბატონო პროკოფიჩი, თქვენებურად დაეხმარეთ იმ ნიჭიერ, ობოლ ბიჭს!“

„თქვენ ხართ ღმერთი, განა კაცი! ყველას, ყველას უფარხართ,

ნიჭით დაჯილდოებული, გეფიცებით, უხვად ხართ!“

„რა ოჯახში გაიზარდეთ, რა სკოლაში სწავლობდით? გატყობთ, მიზანს შიადწიეთ მარტო ნიჭის წყალობით!“

„თქვენი შრომა მძიმე არის, ზოგს ჰგონია ადვილი, ქალაქის მერს უნდა ვთხოვოთ, რომ დაგიტომთ ადგილი!“

მაგრამ გადატვირთული ხართ და არ დაგვლით ქებითა!“

„მახსოვს, ერთხელ გარს გეხვიათ ბავშვები და ქალები, წვერი გქონდათ მოშეებული, დროშას აფრიალებდით!“

„თვით ერეკლე მეფის ჯარშიც რომ გებრძოლათ პაწახანს, ალბათ, დედას ვუტირებდით დამძალ აღა-ჩაჰმად-ხანს!“

„როგორც ვაჟკაცს, როგორც რაინდს დღეს არა გვავთ ბადალი,

აღმაშენებლის დროს, ალბათ, იქნებოდით სარდალი!“

„მოვლენა ხართ, ეს არ არის მარტო სიტყვა ლიტონი, რომ გიცნობდეთ, მთავარ მრჩეველად მიგიწვევდათ კლინტონი!“

„ხართ უმწიკვლო პიროვნება, მართლაც გასაკვირველი, გეწამს, მოშავალ პარლამენტში თქვენ იქნებით პირველი!“

„თქვენს ჭკუას და ავტორიტეტს მთელი წერი ენდობა, ჩვენი აზრით, თქვენ გეკუთვნით ნაღდად პრეზიდენტობა!“

დღეს, დეკემბით, პარლამენტი იუბილეს მილოცავს და საღამოს, ჩემს ბანკეტზე, ალბათ, დავლევ დეინოსაც!

სიხარულით ცაში ვფრინავ, ფრთების ნაცვლად ხელ-ფეხს ვშლი!.. გამედვიძა... თურმე ვწევარ გამოსაფხიზლებელში!..

მეჯე

ჩაცხრაკლიტულები

იყო ერთი კაცი, რომელიც დიქტატორის თანამდებობაზე მუშაობდა, მაგრამ თავისი საქციელითა და ასე ვთქვათ, „იმიჯით“, ვერასგზით ვერ დაარქმევდი დიქტატორს. კრიტიკას და პოლიტიკურ გაბიარებებს რომ იტანდა, ეგ არაფერი. ყველაზე გასაკვირი ის გახლდათ, რომ პირად ლანძღვა-გინებასა და შეურაცხყოფაზეც ოდნავ რეაგირებდა: თავს მიაბრუნებდა და მუავე ფიზიონო-



მიას დაიყენებდა. თქვენ წარმოიდგინეთ, ეგ „გრიმასაც“ დიქტატორულ ნიღბად ჩაუთვალა ერთმა მჩქეფარე ქალბატონმა და არ აპატია. თვითონ კი ყველას ყველაფერს პატიობდა და არავის იჭერდა.

„ეს თუ დავიჭირე, ის როგორღა გაუშვავო“, — ფიქრობდა. მართლაც-და, იმდენი იყო დასაჭერი, ვერ გადაწყვეტდი, რომლისგან დაგეწყო. ერთ მშვენიერ დღეს მოხდა ის, რაც უნდა მომხდარიყო: ადგა და დაიჭირა ეს, რომლის დაჭერასაც ყველაზე ნაკლებად ელოდა ყველა. რაკი „ეს“ დაიჭირა, „იმის“ დაჭერა პრობლემა აღარ იყო. ჰო-და, რაკი „ისიც“ დაიჭირა, სულ გრიალ-გრიალით წავიდა საქმე: დაიჭირა და დაიჭირა, ჩასვა და ჩააცხრაკლიტულა.

დაჭერით კი დაიჭირა, მაგრამ როცა მიიხედ-მოიხედა, გარეთ ვეღარავინ ვერ ნახა, ვისი დაჭერაც შეიძლებოდა. უკვე დაჭერილს ხელმეორედ ხომ ვერ დაიჭერდა? რა უნდა ექნა: ადგა და საკუთარი თავიც დაიჭირა.


ინსპექცია

ცნობილი გახდა, რომ ქურდობდა ის, ვისაც ქურდობა უნდა აღეკვეთა.

დაუნიშნეს ინსპექტორი.

ინსპექტორმა აიღო იმისაგან, ვისაც ქურდობა უნდა აღეკვეთა, მაგრამ თავად ქურდობდა.


ინსპექტორს დაუნიშნეს ინსპექტორი. ცნობილი გახდა, რომ ინსპექტორის ინსპექტორმა აიღო ინსპექტორისაგან, რომელმაც აიღო იმისაგან, რომელსაც ქურდობა უნდა აღეკვეთა, მაგრამ თავად ქურდობდა. ინსპექტორის ინსპექტორს დაუნიშნეს ინსპექტორი.



ცნობილი გახდა, რომ ინსპექტორის ინსპექტორის ინსპექტორმა აიღო ინსპექტორისაგან, რომელმაც თავის მხრივ, აიღო ინსპექტორისაგან, რომელსაც ქურდობა უნდა აღეკვეთა...

ინსპექტორის ინსპექტორის ინსპექტორის... ინსპექტორის დანიშვნის შემდეგ ქურდობა მართლაც აღიკვეთა, ვინაიდან ქვეყანაში მოსაპარავი აღარაფერი დარჩა.

იგავთიფუზღაარე



ნახ. თ. შაჰერაშვილისა

კახეთი

დგას ცისარტყელა ჭრელი ხიდივით.
სად ღამეკარგე, პატარა ქალო,
მჭირლები ფრანგულ
სტრეპტოციდივით.

ვახუშტისეზური

— ვახუშტის ხომ იცნობ, ვაჟიით
მოკაიფეს?
— რას ქვია, ვიცნობ... ჰიბრანული
რა კაცია — გინგლიოთიქს
დადის მთა და ბარში, ეძებს
მარგალიტებს,
„გალსტუკიც“ კი არ აქვს, ნახე,
რა აცვია.
— ნეტაი, რატომ აღარ წერს
ლექსებს? —
წუხს, ვინც პოეზიის ნაღდი
ძმაკაცია, —
ვაჰ, როგორ მოთარგმნა ომარ ზაიამი,
შვიდჯერ გამაჟროლა, რვაჯერ
გამაცია...
— ის ხომ აღარ არის, ვინც ლექსებს
უწერდა:
დაუწვეს სახლი და მის წინ აკაცია.

ბალასეზური

„სეინტრი იგი“...

ხან — ნამყოში, ხან — დღეისდღეს,
ხან — მერეთში,
„კაცი“ იგი დასდევს ტალანტს
იმერეთში.
ხან — ფიჯაკში, ხან — ბერეტში,
ხანაც თორში,
ჩამოვაზრჩობს, ან მიგახერეტს,
ერთი — ორში.

ნაადრევი სკლეროზი

ავად ვიყავი, წუხელ მეძინა,
მეჩვენებოდა, რომ ვიღაცა
შემოშვებას ითხოვდა ჩემგან...
როცა გათენდა,
ჩემს ვაჟიშვილს ეძინა ბაღში.

ტარიელისეზური

„თავი — შენს ლოდებზე დასახლელი...“

წვრილფეხობის მართონი,
ქონდრისკაცთა შარიშური,
შარი, შურის გადამწონი,
შური... შარი... შარი... შური...

ნეტა საით წახველ და სად ები?
მაქვს თავი — შენს ბალიშზე
დასადები.
როგორ დავიჯერო არსად მელი,
ო, რა სათქმელი მაქვს, არსათქმელი,
მკლავი — მაგ შენს მკლავში
გასაყრელი,
გული — ყური უგდე, ო, რა გული —
კალმანია, არა — ორაგული.
მიაპყარ სმენა, მაგასა, ხელო,
გადი, რად მინდიხარ, გა, სახელო.
თვალო, სირცხვილით ვერ გასახელო,
ლექსო, რითმით თუ ვერ გასახელო!

ღერი ჩანტლაკი

გორისისეზური

„ვალდოლივით ქათქათა მთვარე...“

ღამეა, ცხელა, წნევა აჰყვა ზოლს,
გნატრობ ისე, ვით ორ აბ პაპაზოლს.
ბრუნავს, ტრიალებს ცხოვრების
კალო,



ნახ. ბ. ზუბაშვილისა

ქუთაისის ხი სემინარიუმები

ბერკასი ვაშაძესა და ჟორა ერგემლიძეს არა
მარტო ჭიათურასა და იმერეთში, არამედ საქართველოს
მრავალ რეგიონში იცნობენ. მარგანეცის ქალაქის ამ კო-
ლორიტულ ადამიანებს უამრავი მეგობარი ჰყავდათ ქუ-
თაისშიც.

აწ გარდაცვლილი გერვასი ერთ-ერთი სასურსათო
შაღაზიის გამგედ მუშაობდა, ხოლო ჟორია — მძღოლად.

— თუ გამიჭირდა და მსახიობი გამიხდა ავად, — იგო-
ნებდა ჭიათურის თეატრის მთავარი რეჟისორი საქართვე-
ლოს სახალხო არტისტი პავლე ფრანგიშვილი, — ორივეს
პირდაპირ შევიფვან სცენაზე და ეჭვი არ შეპარება რომ
გამაწბილონო.

ბერკასის სიყრმის მეგობარი განზღაოთ მისი
მიწა-წყლის შვილი, აწ არარსებული სახელმწიფო უშიშ-
როების კომიტეტის ქუთაისის განყოფილების უფროსი,
ფრიალ კეთილშობილი პიროვნება მიშა ჭოხორია და
ხშირად ჩამოდიოდა მასთან სტუმრად.

— შვილივით ნაზარდი ინდაური დაკვალი და თან ზე-
ღამეც წამოვიღე, უშენოდ ლუკმა არ გადამდის ყელში! —
მოულოდნელად მოინახულა მეგობარი გერვასიმ და თან
ჟორია ერგემლიძეც ჩაიფვანა.

— არ მცალია, გადაუღებელი საქმე მაქვს! — იუარა
მიშამ.

(დასასრული მე-10 გვერდზე)



თემა ლ. ჩანტლაძის, ნახ. პ. აბაშიძის



თემა ლ. ჩანტლაძის, ნახ. პ. ლოლუაძის



ახალი ბაბინი ნახ. თ. შაშვაშვილის

— ბოშო, ახლა უსაქმოდ ფონდრასიაც არაა, ჩვენი საპოქნიკი. ცოტა ხანს ხომ უნდა განვერიდოთ როგორმე წუთისოფლის ამ ორომტრიალს. — დაუყვავა გერვასიმ.

— აგერ ჩემი მოადგილე წაიყვანეთ! — კვლავ თავს იკავებდა მიშა.

— ყმაწვილო, მე თათბირს კი არ ვატარებ უშიშროების საკითხებზე, შენ მომენატრე და იმიტომ გამოვიარე კაი სამოყვრო გზა. — ჯერ იწყინა გერვასიმ, შემდეგ კრინით ჩაიღიღინა „გამოვიარე ხრეთით, ახლა იწყება ქეიფი...“

ქეიფი მეტად გულთბილ ვითარებაში ჩატარდა, ბევრი რამ მოთვინეს ჭიათურაში ერთად გატარებული დღეებიდან.

— მაინც გადმონაშთს რატომ გეძახოდნენ მაგ უღმერთოები, — ექიდნურად შეეკითხა მიშა გერვასის.

— გამჩენმა არ იცის მაგათი თავი, რომ ვერაფერი მიზეზი მიპოვეს, ყველი მინახეს მოძველებული და შარი მომდეს აშშორებულიაო, და ტყუილა არ გეძახიან, ძირ-მოშპალი კაპიტალიზმის წარმომადგენელი ხარო!

— შენ რა უპასუხე მერე?

— ძირმოშპალიო რომ მიძახით, ორმოცდაათი წელია და მაინც არ წაიქცა აქამდე, ესეც ჩემი ბრალი ხომ არ არის-მეთქი! დასასრულს მითხრეს — მაგ შენს პასუხს სხვა სარჩული დაედებაო!

— პოლიტიკური სარჩული არ დაუდოთ და სხვა რაც გინდათ ის ქენით-მეთქი. — მოკლედ მოუუჭერი რევიზორებს.

მეორედ უჩვეულო ვითარებაში მოხდა გერვასისა და ჟორიას ჩამოსვლა. უშიშროების განყოფილების ეზოში დიდძალ ხალხს მოეყარა თავი. მიშა პენსიაზე გასულიყო და ნევთობაზის უფროსად დაენიშნათ. სწორედ იმ დღეს ძერჟინსკის ძეგლის საზეიმოდ გახსნა იყო დანიშნული.

— რაღა მაინცდამაინც ძერჟინსკის უგებთ ძეგლს, სხვა ვერავინ შეარჩიეთ ვინმე ჩვენებური?! — ჩაილაპარაკა გერვასიმ.

ყველანი სახტად დარჩნენ. განსაკუთრებით შეცბუნდა ძეგლის ავტორი, რომელიც გურული სიფიცხით შეეპასუხა გერვასის.

— თქვენ იცით, რომ ძერჟინსკი შიშის ზარს სცემდა ყველას? აბა, თქვენი აზრით, ვისი ძეგლი უნდა დაგვედგა?

— ვისი და კალისტრატე ჩიკვაიძის, მამაჩემისაგან მახსოვს, ქუთაისზე კათოლიკეთა ძველ უბანში მისი სახლის წინ ვინც კი გაივლიდა, ელეთმელეთი მოსდიოდა. ნაფიც ვექილს და საზოგადო მოღვაწეს ბოლშევიკები რომ შემოვიდნენ, განსაკუთრებული მეთვალყურეობა დაუწყეს. კალისტრატემ თავის სახლს წააწერა: „ჩეკა“, მაშინ ასე ეძახდნენ უშიშროების სამსახურს.

— რას ნიშნავს ეს? — შეეკითხნენ დაინტერესებულნი.

— რას ნიშნავს და კ. ჩ.-ს, კალისტრატე ჩიკვაიძეს.

— ნამდვილად ასე იყო. — საუბარში ჩაება ცნობილი სკულპტორი, საქართველოს სახალხო მხატვარი ვალიკო მიზანდარი. — ჩვენებისგანაც მახსოვს, რომ მაშინ ესოდენ ფიგურირებდა ფრაზა „კალისტრატეზში“. ეს ხდებოდა არა მარტო მისი განთქმული იუმორის გამო, არამედ ქველმოქმედების წყალობით. კალისტრატემ და მისმა შამამ ნიკომ, რაც კი ქონება გააჩნდათ, დიდ ნაწილი ეროვნული ბანკის გაძლიერებას მოახმარეს. როცა პეტერბურგიდან ქუთაისში საბანკო საქმეების წასამართავად გამო-

გზავნეს ჯერ ერემევეცი და შემდეგ მელნიკოვი, კალისტრატემ ყველას გასაგონად სათათბიროზე განაცხადა: რას აწუხებდი ამ სიშორეზე მაგ ვაჟბატონებს, — თუ რაიმე ეკუთვნით, აქედან გავუგზავნიდითო!

— თუ ასე იყო საქმე, ჩვენ უფრო სხვაგვარად მოვიქცევოდით! — დიმილით ჩაილაპარაკა მიშამ.

როგორც წესი, მეორე განყოფილებამ კარგად ჩაიარა. ხოლო დილით, მიშამ სტუმრები ქალაქკარეთ წაიყვანა, თანაც მოადგილე გააფრთხილა, დამაგვიანდება და ადგილზე იყავიო.

დილის 11 საათზე დაამთავრეს საუბრე და ის-ის იყო მანქანაში ჯდებოდნენ, რომ ქალაქიდან მომავალ „ვოლგაში“ მიშამ თვალის მოჭკრა მის მოადგილეს.

— ხომ მშვიდობაა? შეცბუნებული შეეკითხა მიშა.

— ყველაფერი წესრიგშია, ზესტაფონში მივდივარ სასწრაფო საქმეზე. შეგობარი „აგანგალი განგალის“ ფიფიტას გიშოვიო, შემპირდა.

— რა ვოჩალი მოადგილე გყოლია! ჩემო მიშა, ამის შემხედვარე სამსახურში არაფერი არ გაგიჭირდება! — თქვა გერვასიმ და ახალგაზრდებს მაგრად ჩამოართვა ხელი.

— თქვენ დამელოდეთ და ძალე მოვისწრებთ! — დაიბარა მოადგილემ და გზა განაგრძო. მართლაც, შებრუნდნენ რესტორანში და სუფრა განაახლეს. არ გასულა ნახევარი საათი და რესტორანში ვიქტორ კუპრაძე შემოვიდა, თბილისში მიემგზავრებოდა და ბორჯომის საყიდლად შემოიარა. მიშამ და მისმა ამფსონებმა ბატონი ვიქტორი მიიპატიჟეს. მომხიბვლელმა მრავალჯამიერმა ვიქტორს ყურთასმენა დაუტკბო. შემდეგ ქუთაისელი მომღერლებიც შეუერთდნენ და ვიქტორის თანხლებით ისეთი ქეიფი გაიმართა, რომ ძნელი იყო იქაურობის შიტოვება, ვიქტორმა თავისი მძლოლიც გვერდით მოისვა და დიდად ნახიაშოვნებმა შესანიშნავი ამფსონობა გაუწია მასპინძლებს. ღსინი საღამომდე გაგრძელდა და ის-ის იყო უნდა აშლილიყვნენ, რომ დარბაზში სახეგაბრწყინებული შემოიჭრა მიშას მოადგილე.

— ვიშოვე, ბატონო მიშა, „აგანგალი განგალი“, თანაც „კეკელა და მაროც“ ჩავიგდე ხელში! — აღფრთოვანებას ვერ ფარავდა მოადგილე.

— შენს ვაჟკაცობას გაუმარჯოს, ასე უცებ როგორ მოაგვარე ეს საშური საქმე, ამ მცირე დროში ინსკირველი კალათში ბურთის ჩაგდებას ვერ მოასწრებდა! — უთხრა ჟორიამ და გადაკოცნა.

ქეიფი გვიანობამდე გაგრძელდა და დიდად კმაყოფილება ბატონმა ვიქტორმა თითქმის დანახებით წარმოთქვა: — რა ტყუილად გამიტარებია ჩემი მთელი ცხოვრება ფორმულებსა და ინტეგრალებთან ჭიდილში, ასეთი სიამოვნება, რაც დღეს განვიცადე, არც კი მახსოვს ჩემს ცხოვრებაში!

— ბატონო ვიქტორ, ჩვენს გაფუჭებულ საქმეს ვერაფერი გამოაკეთებს, მთავარია ერთმანეთს გავაძლებინოთ და სიამტკბილობით განველოთ ეს წუთისოფელი! — რისიანად შეეპასუხა გერვასი.

ბატონი ვიქტორი მოზღვავებულ სიხარულს ვერ იკავებდა, როცა მასპინძლები ჭიბილიას მარშით აცილებდნენ დედაქალაქისაკენ.

ბივი მეფისაშვილი

სტროფები

იქნება გაჭრას ამ ჩემმა
ლოცვა-ფედრებამ, აჯამა —
სულ არაფერი მასვა და
არც არაფერი მაჭამა,
ოღონდაც წაიმუშაოს
მუზამ, ფიქრმა და მაჯამა,
მოღუნენ და დამაწერინონ
ერთი ცინცხალი მაჯამა.

რწმუნებული მღიჯანივით პიწკად დადის
პალსტუხით და სირშიანი ხაცვლებით,
თურმე ჯამს სულ არა აქვს დარდი
შესაკრებთა გადანაცვლების.

იქნებ ბრალი იყო ღვინის
დრამატული ვითარება —
ჩვენს პირდაპირ ბატონ მინისტრს
ფნასეთ, თავი ვით არ ება.

რიკულზე უღვევს ზორბა მუცელი,
დამძახის: „ვინძლო ამოხვიდლო,
ხად დაიკარგე, ბიჭო, წუხელის,
გიცადეთ, გვიან ჩავრთეთ ვიდეო!“
„ზვარ დეიძინებ აწი, მაშიყო?“
ბაღლი კრუსუნებს: „მინდა კიდეო!“
მამა როხროხებს: „როცა არ იყო,
რას ვაკეთებდით, ნეტა, ვიდეო?“
ბუვბუვებს, შფოთავს ზორბა მუცელი
და შეახედ და შეათახედა,
ბუღეში, როგორც უხსენებელი,
შესრიალდება შავი კასეტა.

თუ არ ჩაიცივი შორტები,
იცოდე, ზვალვე გშორდები!

წავიკითხე „მე და ღამე“,
მოვიფიქრე „მე და მწერი“.
შევეუტიე რითმის გამებს...
კი, ვარ ლექსის მე დამწერი.

ისევ დამხვდა სახლში ნელი,
მქონდა განცდა საშინელი —
უმისოლაც კარგად ვიცი —
ხად „შიპრი“ და ხად „შანელი“.

ბაჯო ბაჯო

ჩვენი მიზანუბნი

აქეთ ფიცარი, იქით ფიცარი...
შუაში ვინ წევს — ველარ ვიცანი.

აბორტის მსხვერპლთა საზოგადოება.

მსოფლიოში ნავალი და საქართველოში განავალი.
(გავლით მყოფი) დიპლომატი.

პირშავები თეთრკანიანებშიც ბლომად არიან.

ფხვარული



— მკონი, ფინანსთა სამინისტრომ შოიტაცა ჩვენი
შვილი. საქართველოს ბიუჯეტს მთხოვენ მის გამოსან-
ვიდად.

ნახ. ვ. კუციანი

ღიჯი-შანი

ვეიდი სიტყვის ბანზე ასაგდებ მოწყობილობას.

ღემა გოგია

„ღენერტირის“ ბაზართან გაიხსნა ნამუსის ქულების
და სინდისის ლეჩაქების ატელიე.

ღირაქცია

გავხსნით გორდიას კვანძს.

აროკურატურა

გავასუფთავებთ ავეიას თავლებს.

მერია

ვასწავლი საკუთარ იდავეზე კბენის ხელოვნებას.

კომპანია „ოპროს თასის“ მანაბრე
ვაქირავებ კილობანს 2 000 წლისათვის.

ნოე

ვაკეთებ პირზე დასადებ კლიტებს.

პირ-უტყვი

ვამზადებ პირში ჩასაჩრეულ ბურთებს.

პირ-შავი

მაღე მოსახლეობას დაურიგდება პირში გამოსავლები
ჩალა.

სოფლის მეურნეობის სამინისტრო
ვითვლი ბუზებს დისტანციაზე.

უბნის ბიჭი

ვაბრტველებ სიტყვებს და ვავიწროებ აზრებს.

პროკორციული, დავუტატი
მწვავ ერბო-კვერცხს ხელისგულზე.

გადღივარი შვილი

დავკარგე ხელები. მპოვნელი დასაჩუქრდება.

ვენერა ვილორელი

ვაფრთხობ ანგელოზებს.

პარლამენტარი ძალი

ჩიტორიკული უეკითხვები

დალატობდა ადამი ევას? თუ – არა, რატომ მტკიცდება, რომ ადამიანი მაიმუნისაგან წარმოიშვა?

როცა ქალი სხვის დაუხმარებლად ვერ იხდის ტანსაცმელს, ეს მის სიმორცხვეს მოწმობს?

ნუთუ იუმორისტი ის სატირიკოსია, რომელსაც სიცოცხლე არ მოხეზრებია?

როცა კაცი ჭამია დანა-ჩანგალს ხმარობს, ეს პროგრესია?

ბანა კარგ დისერტაციას დაცვა სჭირდება?

საერთოდ, პიროვნებას ჰყავს პირადი მცველები, თუ სავარძელს, რომელზეც ეს პიროვნება ზის?

ბანა სამართლიანობის გამოჩენა იოლი არ არის მაშინ, როცა გასაყოფი არაფერია?

ჭკუის კოლოფი

სინსხალი ანექდოტი


ამას წინათ, მოსკოვის რეისს დავხვდი აეროპორტში. ძლივს ამოვიცანი მგზავრებში ჩემი თავპირუბინტული მძაკაცი,

– მოსკოვში გცემეს, მაგათი!..

– არა, თვითმფრინავში. სალონში რომ შევედი, ჩემი ადგილი დაკავებული დამხვდა, ერთი ქართველი მუტრუკი იჯდა არხეინად.

– მერე?

– თუ შეიძლება დამხვი, ჩემს ასოზე ზიხარ-მეთქი... მერე აღარაფერი მახსოვს...



– მაგ კვარტეტს ახლა ღუეტი მღერის, შტატები 50%-ით შემცირდა!

თემა ლ. ჩანტლაძისა, ნახ. ჯ. ლოლუასი

ნახ. მ. აბაშიძისა



– მანდ ტყვილა ეძებ, ეგ იარაღი კარგა ხანია აღარ იხვრის!



– მოპარული აგურებია?

– არა, კაცო, გუშინდელი პურია, მაღაზიდან წამო-

ვოლე.

ქვესიტუაციები ივანიანი

ხელმოკლეობა

— რა იყო თქვენთვის ყველაზე ძნელი, როდესაც როიალზე დაკვრას სწავლობდით? — ჰკითხეს ანტონ რუბინშტიცის.

— სწავლის ქირის გადახდა, — მიუგო გენიალურმა რუსმა პიანისტმა.

რომანსები და ფინანსები

მომღერალ ენრიკო კარუზოს ჩეკით კარგა მოზრდილი თანხა უნდა მიეღო, მაგრამ ბანკში მისვლისას თან არავითარი საბუთი არ აღმოაჩნდა. მოლარემ ცივი უარი უთხრა ფულის მიცემაზე. კარუზო წამით ჩაფიქრდა, გადაწყვეტილება მიიღო და... ბანკის მოსამსახურეებმა მოისმინეს ბრწყინვალედ შესრულებული არია ოპერა „ტოსკადან“. ეს სრულიად საკმარისი აღმოჩნდა იმისთვის, რომ მოლარეს მაშინვე გაეცა ფული.

პირადი ვაგალითი

სახელგანთქმულ ფრანგ კომპოზიტორს, ოპერების „ფაუსტისა“ და „რომეო და ჯულიეტას“ ავტორს შარლ ფრანსუა გუნოს გაყოფიებული სტუდენტები არ მოსწონდა. ერთ მშვენიერ დღეს საგანგებოდ შეკრიბა ისინი და უთხრა:

— ახალგაზრდობისას ყოყლოჩინა ვიყავი, მხოლოდ ორი კომპოზიტორი მწამდა: საკუთარი თავი და მოცარტი. მერე, როცა უფრო გავითქვი სახელი, უკვე სხვაგვარად ვამბობდი: მოცარტი და მე. ხოლო ახლა, როცა საკმაოდ ცნობილი ვარ, პატივისცემითა და მოწიწებით მხოლოდ ერთ სახელს ვახსენებ: მოცარტი!

სელოვნების საიდუმლოება

ერთი ბიჭი კარგად უკრავდა პიანინოს. მამამ იგი მოცარტთან მიიყვანა და სთხოვა, შეამოწმეთო.

მოცარტმა ბიჭს მოუსმინა და შეაქო.

— მარტო დაკვრა რა არის, მინდა მუსიკაც თვითონ დავწერო, მითხარით რა, როგორ იწერება, — სთხოვა ბიჭმა.

— როცა დიდი გაიზრდები, მაშინ დაწერ. ჯერ ბევრი უნდა ისწავლო, — დაარიგა ბიჭი დიდმა კომპოზიტორმა.

— თქვენ რომ თორმეტი წლისა უკვე წერდით მუსიკას?! — წამოიძახა ბიჭმა.

— მართალია, მაგრამ მე არავისთვის არ მიკითხავს, როგორ დავწერო-მეთქი, — მიუგო დიმილით მოცარტმა.

ღარბაზის დასარიყლება

დიდ იტალიელ მომღერალს ენრიკო კარუზოს ერთხელ თავისმა ახალგაზრდა კოლეგამ უთხრა:

— არ მიაქციეთ ყურადღება: გუშინ ჩემმა ხმამ როგორ აავსო ღარბაზი?

— როგორ არა, ისიც კი შევნიშნე, მაყურებლის დიდი ნაწილი როგორ წამოდგა და ადგილი დაუთმო თქვენს ხმას, — მიუგო ბუნებით თავმდაბალმა კარუზომ.

თუნდაც დღესვე

დიდი იტალიელი კომპოზიტორი ჯოაკინო როსინი ერთ ოჯახში იყო მიწვეული. ქალმა მაგიდა ისე მომჭირნედ გააწყო, რომ სადილის შემდეგ სტუმარი ისევ მშვიდი დარჩა.

— გთხოვთ, კიდევ მობრძანდეთ ჩვენთან სადილად, — სთხოვა მასპინძელმა.

— სიამოვნებით, — მიუგო როსინიმ, — თუნდაც დღესვე.

ზურისკიების წყურპილი

ერთხელ ოპერაში ჯოაკინო როსინიმ მეზობლად მჯდომს გადაუჩურჩულა:

— ძალიან ცუდი მომღერალია, უხეირო ხმა აქვს.

— იქნებ შინ წასვლა გირჩევნიათ? — შესთავაზა მეზობელმა.

— რას ამბობთ, — მტკიცედ იუარა როსინიმ, — გადმოცემით ვიცი, რომ მაგას შესაძლო მოქმედებაში ქალი კლავს და მინდა დაველოდო.

კოლეგაციონერი

ჯოაკინო როსინის ერთი მეგობარი თავისი ნაცნობის შესახებ უამბობდა, რომელმაც ყველა დროისა და ხალხს საწამებელი იარაღის კოლექცია შეაგროვა.

— კოლექციაში ფორტეპიანო თუ იყო? — დაინტერესდა ჯოაკინო.

— ცხადია, არა.

— მაშასადამე, ბავშვობაში მუსიკა არ უსწავლია...

პირდაპირი დაპირისპირება

— რა განსხვავებაა კარგსა და ცუდ ღირიჟორს შორის? — ჰკითხეს ერთხელ ცნობილ გერმანელ ღირიჟორს ჰანს ფონ ბიულოვს.

— კარგ ღირიჟორს პარტიტურა თავში აქვს, ცუდს კი — თავი პარტიტურაში, — მიუგო მან.

შეკრიბა და თარგმნა **შოთა აპირანაშვილია.**



(ტელეთაშაში)

შორენა, იგივე შოკუნა, თაშაშის შოკი, ანუ წაყვანი, მაგიდაზე ზის და ფხვნი სკამზე ულაგია.

— გამარჯობათ, ძვირფასებო! ჩემო კარგებო, ვიცი, რა სიღუბნითაა დღეს, რა სიღატაკაა, ყოველგვარ მიჯნას გადავაბიჯეთ, არ გვეზურება და არ გვეთამაშება, მაგრამ „რადგანაც კაცნი გვქვიან, შვილნი სოფლისა...“ ერთი სიტყვით, ჩვენმა შემოქმედებითა ჯგუფმა გადაწყვიტა მსუბუქ თამაშში ჩავითრიოთ. ამ თამაშს ჩვენ „აუქციონი“ დავარქვით.

აი, თქვენ ხედავთ ავანგარდული სტილით შესრულებულ ქართულ ტაბლას, სიყვარულით და რუდუნებით გამოკოპირებულს. იგი ამ საღამოს უნდა გაიყიდოს. მყიდველი კი თქვენს შორისაა, ძვირფასო ტელემყურებლებო!

სანამ აუქციონ-თამაშს დავიწყებდეთ, მინდა სასიამოვნო მოვალეობა მოვიხადო და მადლობა მოვახსენო ჩვენი აუქციონის სპონსორებს: ფირმა „ჩაკრულოს“, საზოგადოება „ქალკედონს“, ბანკ „კირილეს“, გაზეთ „ალილუიას“ და მხატვარ გიგი ხერთვისელს, ამ განუმეორებელი ნაკეთობის ავტორს.

მაშ, ასე: ტაბლის საწყისი ფასი სიმბოლურია — 200 დოლარი, ან მისი ექვივალენტი: ერთი მილიონი რუბლი, ან 250 მილიონი კუპონი. ველით თქვენს ზარს. ტელეფონის ნომრები მოძრავ სტრიქონზე წერია...

მანამდე კი ერთ ვიდეოკლიპს გაჩვენებთ, რომელიც პირველად გადაიღო ჩვენმა უნიჭიერესმა მხატვარმა და ამჯერად, რეჟისორმა, გიგი ხერთვისელმა. აი, ისიც!.. გიგი, ჩემო სიცოცხლე, აქეთ მოიწი და აგვისხენი, რა-

ნაირად ახერხებ ამნაირი ფანტასტიკური კლიპების გადაღებას... თუმცა, ალბათ, მაგის ახსნა შეუძლებელია.

ბიზი (კვს ლექავს) — ცხადია, შეუძლებელია მოკუნა... მე თვითონ დაშოკილში ვარ ხრლს, მრტა მრტა ვიწყებ, ვაგებაში არა ვარ, რა გამომივა...

შორენა — წინასწარ ხო ემზადები ხომე?..

ბიზი — რა თქმა უნდა. ვიძარაგებ საგნებს... ანტურაჟს, რა!

შორენა — აი, ამ საგნებით შეგიძლია კლიპი გააკეთო?

ბიზი — შემიძლია!

შორენა — არ გამაგიჟო!

ბიზი — ოღონდ... რამდენიმე საგანი დამჭირდება დამატებით: ცოცხი, აქანდაზი, სანაგვე კონტეინერი და წითელი უნიტაზი.

შორენა — რა ტალანტი ხარ!.. მაპატიე, ტელეფონის ზარია... გისმენ, საყვარელო! რამდენს იხდით? 250 დოლარს? თქვენი ვინაობა... ტელეფონი... ვიწერ... დიდი მადლობა!.. კიდევ ზარია. გისმენთ! რამდენი?.. სამასი?.. ვიწერ! გიგი, ხედავ, რა მაყურებელი გვყავს? ზარია!.. გისმენთ! რამდენი? ათასი? ვიწერ თქვენს ვინაობას და კოორდინატებს, შემოგველუ!.. გიგი, გავგიჟდები!.. გისმენთ!.. რ-რ-რამდენი?! 2 800 დოლარი?! სიხარულისაგან ენა შებმება... ვიწერ... გიგი, რა ზდება?! გისმენთ... რა ბრძანეთ? 5 500 დოლარი?! კი, ჩემო სიცოცხლე, ვერავინ შეგეცილებათ... ვიწერ თქვენს ვინაობას და ტელეფონს... დაგირეკავთ უმოკლეს დროში... მაკაკო, გამოთიშეთ ტელეფონები!.. გიგი, თავბრუ მეხვევა, არ შეგონა, ასეთი გამგები და გვერდში დამდგომი მაყურებელი თუ გვყავდა... ვრეკავ გამარჯვებულთან...

— ალო!.. ნაპოლეონ სააკაძეს თხოვეთ... სად გაემგზავრა?! ვატერლოოში შაჰ-აბასთან საომრად?! მაპატიეთ, ეს ვისი ბინაა? ბინა არ არის? აბა? ფსიქიატრიული საავადმყოფოა?!..

კადრში ჩანს ხუთიათასხუთასდოლარიანი ტაბლა. კადრი ქვაკდება.

აუქციონერი



ნახ. ნ. სოღელიძისა



ნახ. გ. ზუბაშვილისა



„ნიანგის“ გენერალურმა

უეიფვალა შურნალ „ნიანგის“ ბეჭედი.
 ავასთან დაკავშირებით, რედაქცია აცნობებს დაინტერესებულ ორბანიზაციებსა და პირთ, რომ კალადაკარგულად ითვლება „ნიანგის“ კორესპონდენტების პირადობის დამადასტურებელი ვადაბასული მოწმობები.
 „ნიანგის“ კორესპონდენტები ვალდებული არიან უმოკლეს ვადაში დაუბრუნონ რედაქციას ვადაბასული წიგნაკები.

შურნალი „ნიანგი“, № 3-4 (1889-1890). სექტემბერი. გამოდის 1923 წლის ივნისიდან.

მთავარი რედაქტორის მოადგილე, გენერალური დირექტორი
ბეჭედი სინარულიკე

კასუხისმგებელი მდივანი, რედაქტორის მოვალეობის შემსრულებელი
ლერი ჩანტლაკე

სარედაქციო კოლეგია:
 ზაურ ბოლქვაძე (მთავარი რედაქტორი), მურთაზ აბაშიძე, ჭაბუა ამირეჯიბი, ჯემალ ლოლუა (მხატვარ-რედაქტორი), ნოდარ მაღაზონია, რომან მიმინოშვილი, რევაზ მიშველაძე, ალექსანდრე სამსონია, მიხეილ ქვლივიძე, ჯანსუღ ჩარკვიანი, თამაზ წიფწივაძე, ალექსი ჭინჭარაული.

ტექნიკური რედაქტორი
ვახტანგ დონაძე


ვადაცა ასაწვობად 14. 03. 95 წ., ხელმოწერილია დასაბეჭდად 1. 09. 95 წ., ფორმატი 60×90¹/₈, ფიზიკური ნაბეჭდი ფურცელი 2, სააღრიცხვო-საგამომცემლო თაბახი 2. საქართველოს შურნალ-გაზეთების გამომცემლობა „სამშობლოს“ სტამბა. შეკვ. № 273. ტირაჟი 2 000. შურნალი გამოდის თვეში ორჯერ. შურნალი რეგისტრირებულია საქართველოს რესპუბლიკის იუსტიციის სამინისტროში. რეგისტრაციის № 0606.

რედაქციის მისამართი:
 380008, თბილისი-8, რუსთაველის პრ. № 42.

ტელეფონები: განყოფილება გამგეების — 93 10 78, 93 49 32; მდივან-მემაქანის — 99 76 69.

ინდექსი 76137


შპსი 50 თბილისი
 (ორი ნაყინი)



— რაიმე პრობლემა ზომ არ გაწუხებთ?

თემა **ლ. ჩანტლაკისა**, ნახ. **ჟ. ლოლუასი**

საქართველოს
კომერციული
საბჭო



COMMERCIAL SHOP